



ALTERNATIV DEMOKRATESCH
REFORMPARTEI

Groupe parlementaire

Här Gast Gibéryen
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 22. November 2018

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här Minister fir bannenzeg Sécherheet an un den Här Transportminister weiderzeleeden.

No mengen Informatiounen hätt d'CFL sech un hiert Personal, méi spezifesch un d'Begleetpersonal aus den Zich, gericht, wéinst enger Erhéijung vu Migrante déi ouni gëlteg Billjeeën an oft ouni gëlteg Identitéitspabéieren an den Zich ze fanne wäeren.

D'Schaffner géifen opgeruff ginn, Rapporten ze maachen wann, Onregel-méissegkeete festgestallt ginn. D'Zuchpersonal sollt d'Police iwwer den 113 ruffen, wa si eng gréisser Zuel vun esou Reesender trëfft.

Et soll och eng Verstärkung beim private Sécherheidsdénsgscht ginn, deen als Soustraitant op der Eisebunn Surveillance mécht.

Dowéinst wéilt ech den Häre Ministeren dës Froe stellen:

- 1) Ass de Ministeren d'Problematik vum Flux vu Migranten an Asyldemandeure an den Zich bewosst? Wéi eng Linne si betrafft?
- 2) Hu Schaffner Rapporte geschriwwen, a wa jo, kann den Här Transportminister en éischte Bilan vun dësen zéien?
- 3) Zu wéi villen Asätz vun der Police, respektiv der Douanne, ass et op der Eisebunn an deem Zesammenhang komm? Mat wéi engem Resultat, notamment wat d'Suite sinn vum Reesen ouni gëlteg Billjeeën oder ouni gëlteg Identitéitspabéieren?
- 4) Wat passéiert mat Migranten oder Asyldemandeuren, déi keng gëlteg Pabeieren hunn fir zu Lëtzebuerg oder am Nopeschland, wou d'Zich hifueren, respektiv hierkommen, ze reesen?
- 5) Wäre et net sënnavoll, systematesch Policepatrullen an den Zich anzesetzen, wou dës Problematik sech reegelméisseg stellt?

Groupe parlementaire

- 6) Deelen déi Häre Ministeren d'Meenung, datt et net normal ass, datt e private Sécherheidsdénsgscht agesat muss ginn, fir Zuchpersonal ze begleeden an zum Deel ze schützen, dëst net nëmmen an der Problematik, déi mat dëser Fro gestallt gëtt?
- 7) Wär et net sënnvoll, ënnerhalb vun der Police eng spezifesch „Eisebunnspolice“ ze grënnen, esou wéi se och an anere Länner besteet?
- 8) Wat kascht déi „sensibel Verstärkung“ vum privatem Sécherheidsdénsgscht am Zesammenhang mat der „alarmanter Erhéijung“ vun der Zuel vu Migranten an Asyldeemandeuren?

Mat déiwem Respekt,



Fernand Kartheiser
Deputéierten